

Ni Yensa Aniirone a Halihano

Yensa ingi ñantaalibehinem andékdek
Jerusalem k'ansor Gújunku Guwusunaamo.

Ñanlaameku alimaamaño ingi ñanlaameku
Ñanyahudo ansíibáásiib bulaku Yensa
k'ambujom. Kanda ni jamaño jup
ampokunne Yensa, ambenuhbenuh k'anlah
Yensa báárigo.

Angu antúy jaketo k'andék anlah Yensa.

Judas, utaalibehu Yensa ajamfahemne
k'atéekin ñanlahumo ka Yensa agune
jaketo.

Angu, andék anlah Yensa k'andékirem a
tilibinaalo. Tilibinaalo Adénno Jerusalem.

Ansíibáásiib búneku Yensa kayúuleno ki
k'ampiren ambujom.

Jantenteŋ Gúloku Díino:

⁵⁵ Afúrumi na, ñanlaameku
alimaamaŋo ingi m'antohne a
Tilibinaalo Adénno nip m'anrahne na
ansíiba gúneku Yensa kayúulen ki
nim ampiren ambujom. K'angu
ammiiheh jamaŋo m'anyéjhinehne
Yensa akankaan hójondoŋo. Kanda
yikireŋ m'anlóbhuneh nim. ⁵⁶ Agida
ayikyik ñanlabahi m'ankeng k'ansíiba
bujodanku Yensa, kanda halókánin
raháraŋaŋ. ⁵⁷ Ayikyik m'ankeng
bujodanku Yensa, anyéj:

⁵⁸ – Mint ii iyennehinminyennehin
n'ayéjne ba bukoomunku
Jaamehintor Adénno n'anlódne

k'anooh ásiban alallan k'alód adúk
no jamaño danlód.

⁵⁹ Kanda banlóbi nim índukonjo
yennehinayrenen.

⁶⁰ Banlóbi alimaamo adénno akeng a
sígihu jamaño nip k'ayéj Yensa:

- Inini, immi tu kayúulen k'anfégne a
binankan, inini fi dujaabi?!

⁶¹ Yensa akota sii. Jaabiirem haani
gúlob úngonduk. Angu alimaamo
adénno amiihem ayéj:

- Hóge fi ingine Umaasajo Mu Díino
Acaabenne, Úbáku Díino
N'aramunkuhne?

⁶² Yensa anoyindem ayéjem:

- Me ingine maŋ úmár. Inini,
ninkinan nip ayikhineh bísiba
b'úpájul b'úfekineŋ Údiigeeno
M'acaabenaane n'annooh ingi Díino.
Oo! Anokuneh a jiyaku Díino
N'afaŋumne N'ayik Sembeŋo, a
kantígo k'abúuñahuhne.
Úfegekinemenŋ n'adékireh a hakubo
k'aŋooliner ba a duniyaŋo.

⁶³⁻⁶⁴ Yensa bayéji nim alimaamo
adénno anuyom dáde k'alah
gusolhunom g'akaanane abic, k'ayéj:

- Inini ninkinan, yennehineŋ baŋ!
Asutunsutun Díino! Síbaaronŋ ki
úduk aséediya. Eke ninkinan tu
uyennehineŋyennehin h'ayéjne?

Angu ninkinan, ii, neeraŋ
gúyejeŋne?

Angu ñamhu tilibinaalo nip ankomb
búyejo:

- Abábár abujaa.

⁶⁵ Banleki balóbo mees índukoŋo
ankomb bulotunkunom. Índukoŋo
annébem k'ammibem. Bammibem
ammaham, anyeefihem, ammikem:

- Inini, hantaŋ amalenne?

Afúrumi na, ñammarahu Jaameŋo
Adénno andoohom ki immerenŋ mees
ammaham. (Mak 14:55-65)

Angu jaketo nómar, ñanlaameku
alimaamaŋo ingi ñanlaameku Ñanyahudo
ingi ñankeekihu Hañaañeno, immerenŋ nip

anrahne k'anakaan tilibinaalo. Andékur
Yensa a tilibinaalo k'awonn na. Inini,
ñanlaameku alimaamaŋo ingi m'antohne a
tilibinaalo nip m'anrahne na ansíiba búneku
Yensa kayúuleno ki k'ampiren ambujom.
Kanda Yensa kaanahadaŋ hójondoŋo.
Índukoŋo anlóblob k'anyéj mara Yensa
akakaan hójondoŋo. Kanda hajoda
ganŋane! Ñanlaamero m'antohne a
tilibinaalo ampápájul mara hajoda ganŋane
mara halókánin raháranŋ.

Angu, alimaamo adénno akeng a sígihu
jamanku tilibinaalo k'amiih Yensa ayéjem,
«Inini, immi tu anlóblob. Inini fi dujaabi?!»
Bamiihem nim, Yensa akota sii. Lóburoŋ
gúlob. Lentaarenŋ ho Anabila Esay añaañne
fam a gubaarhu M'apahunkunehne
Jamaŋo. Ayéji:

⁷ Údiigeeno úmár abénnbenn jamaŋo
k'anfeginem. F'ankaanemne nim
akota, alahoora maŋ ni saahaŋo
akotaháneh fo jamaŋo
annohálinemne ba budaamulo. Maŋ
ni saahaŋo akotaháneh gawonni a
jannoku m'anlekhinehne
jégendhinem, maŋ nim gakotane.

⁸ Anlaham k'antumálom, anlek
balóbo kanda lekireneŋ hóbun. (Esay
53:7,8)

Angu, alimaamo adénno afak amiih Yensa
ayéj, «Hóge fi ingine Umaasaŋo Mu Díino
Acaabenne, Úbáku Díino N'aramunkuhne?»
F'alóbne nim, Yensa alób. Awaala ayéj,
«Me ingine maŋ úmár. Inini, ninkinan nip
ayikhineh bísiba b'úpájul b'úfekineŋ
Údiigeeno M'acaabenaane n'annooh ingi

Díino. Oo! Anokuneh a jiyaku Díino
N'afanjumne N'ayik Sembeño, a kantígo
k'abúuñahuhne. Úfegekinemen n'adékireh a
hakubo k'anooliner ba a duniyaño.»

Úpájulen, Yensa adékridek a duniyaño
faliiho k'apahun mintor a jínubonkintor.
Aniiridir ba guñoolin ba arijaana
gadékehne. Kanda Yensa ayéji mara
ayikhineh bísiba, afak adékekineh a
duniyaño. A waato ámár afúrumokuneh a
hakubo k'anooliner ba a duniyaño k'amara
duniyaño nip. Fo Yensa alóbne hómár,
f'ayéjne mara úmár ingine Umaasaño mu
Díino Acaabenne, Úbáku Díino, alimaamo
adénno alah gusolhunom g'akaanane abic
mara jifahánam anuyne dáde. Ayéj
jamanku tilibinaalo, « Inini ninkinan,
yennehinen ban! Asutunsutun Díino!

Síibaaron ki úduk aséediya. Eke ninkinan tu uyennehinenyennehin h'ayéjne? Angu ninkinan, ii, neerañ gúyejeñe?» Angu ñamhu tilibinaalo anwaala anyéj, «Abábár abujaa!»

Kanda immeren yikireñen binaal k'ambuj Yensa. Lentaaren mara a waato ámar, jamanku Rom ankolonisene k'ammara didiirahu Israyel. Angu, gúfánááro m'afúruntné Rom, úmár bareñ ayikne binaal k'ayéj mara úduk añantay aniiro. Inini, ñanlaameku alimaamaño añantay andékur Yensa imbi gúfánááro k'antéekinem mara Yensa añantay aniiro. Gúduko alókihineh.

Bampúti imbi gúfánááro m'aretuhne Pilat, antéekinem h'akanne Yensa añantay aniiro.

Kanda f'ayennehinne ho ñanlaameku
alimaamaño anyéjne a gubaarhu Yensa,
Pilát apájul mara immeren hajoda ganjane.
Apápájul mara Yensa kandan hójondono.
Afak apájul mara ñanlaameku alimaamaño
anyikyik kenkaareño dáde a gubaarhu
Yensa mara jamaño jup, Yensa
gantifilinehne k'anhoobála binaahu
ñanlaameku Ñanyahudo. Gúmár akanne
ansíiba ki Yensa aniiro.

Angu, Pilát awar abénn Yensa k'adék,
kanda kandan hómár. Síibaaran ki
ñanlaameku alimaamaño anhóojaram.
Síibaaran k'ayéj mara Yensa añantay
aniiro, kanda síibaaran k'abénnem. Angu
Pilát ayéj ñanlaameku alimaamaño: «Gub
agune bísibahu fetó. Angu gub íbennhineh
ukimbenaa úmánduk iniman n'akaanaane

díin díin. F'acaabenaá úmánduk m'adékuh
gúbenn imbi m'ankimbenaane. Gub
íbennhineh úmánduk k'adék n'agune
bísibahu fet imbi ninkinan Ñanyahudo. Karo
abénnaa údiigeeno m'aretuhne Barabas,
urebelo m'abujne jamaño, karo abénnaa
Yensa umaasahánan. Inini wosenten
k'ucaabeneñ úmánduk m'ídekehne
búbenno!»

Kanda, Pilat, h'asíibane, asíibáásiib ki
jamaño ancaaben Yensa ki nim apiren
abénnem mara apápájul mara Yensa wúur
újooni, kandan hójondoño. Angu Pilat ayéj
ñanlaameku alimaamaño, «Jamaño
ancaabenkineh!» Banyennehini hómár,
ñanlaameku alimaamaño anfúr k'anlób ingi
jamaño m'anjógne na anrumun anyéjeeniñ,
«Ninkinan, ii, gub Pilat ba búbennhu

ukimbenaa úmánduk gadékehne. May ki
Pilát afúror. Inini, gamiihoonun a nintiku
m'úsiibahanne k'abénnduroonun fo
úteekinemen mara ninkinan úsiibáhanysiib
k'abénndutoonun Barabas. Gafúti
yéjeremen, Barabas! Barabas!
Uyennehinenyennehin ?»

Balóbi nim Pilát, afúror. Bafúti ayéj «Inini
ninkinan, karo k'íbennoonun
Umaasaháan? Karo neeran?» Menen
anwuuga anyéj, «Woo ! Barabas! Barabas!
Bénndutulo mint Barabas!» Angu Pilát
anjoolin ajaabiyeenin ayéjeenin, «Inini, aji
í bendutoonun Barabas neeran
gikankánehne údiigeeno m'úyejhegne
umaasaháan?»

(15 :12) Barumuno anjyindem anyéjem,

« Infanunomon a halihano k'imbujomon.»
(15 :13)

Nim jamaŋo anyéjne Pilat úgufánaáro.

Fégeŋ baŋ, ansíibáásiib ki Yensa aniiro!

Kanda horaŋ akanne k'anyéj,

«Infanunomon a halihano k'imbujomon.»?

Úpájuleŋ, jamanku Rom, aji ambuji wúur,

nim gankaanahne. Gandoohodooh halihan

hanak hawúuri k'ankilen. Ganjóonini

halihano h'ankilenahinne, andooh wúuro

m'ansíibane bubujo k'anfanunahinem a

halihano ingi preegeŋo adénneŋo.

Ganfanunem mees, anwóoj gusuno

k'anwonnun na halihano k'ambénn na

wúuro a bísibaŋo k'ayoh dáde f'adék aniiro.

Famo, jamanku Rom ansaŋárisaŋári dáde!

Síibaaraŋaŋ ki wúuro aniiro bareŋ,

Ansíibáásiib k'ayoh dáde jandiŋ banirom.
Jamanku Rom, nim gankaanahne fam.

Angu, ñanlaameku jamanku Israyel ingi
alimaamaŋo ansíibáásiib ki soldaaranku
Rom ankaan hómár a gúbidhu Yensa.
Gúmár akanne dam antéekin barumuno
anyéjeeniŋ ankiina biniirohu Yensa,
k'afaŋunaa a halihano.

Angu barumuno balóbi nim dam,
úgufánááro, n'asíibane búsumurinkinin
n'agune bíсібahu fetо, alóki
h'ankiinahemne k'abénn militerenkinem
k'andooh Yensa.

Jantenteŋ Gúloku Díino:

¹⁶ Fo Pilat abéndureeniŋne Yensa,
soldaarano andoohom ba a
jégenenku díku gúfánááro k'anhuyor

guruphu soldaaraŋo nip. ¹⁷ Bampút
angáágám tabéno takeeno, agida
fam n'anfúnn gusolhunom mees.
Andooh jalihero j'ayikne jálindo
k'angoolumbin k'anhooburindem a
bigof. ¹⁸ Bambollay angu anyeefihem,
anyéjehem:

-Ii! Umaasahu Ñanyahudo, Díin
akaan usimaya!

¹⁹ Andooh ñanhonjo k'ammaham a
bigof, anlotunkom, anrunah a
jannokunom. ²⁰ Banyeefulem mees
anwatam tabéno takeeno
t'angáágemne k'ankandáram
bayakánam k'anfúnnom a bílido
k'antunul hadéko b'andékehne
bufanunahinkinem a halihano.

(Mak 15:16-20)

Inini, lentaarenj mara Yensa ingine Úbáku Díino m'adékirne a duniyaŋo aguy uraagof. N'agune Úbáku Díino ayikyik sembe dáde. Apiren ajébun mi jébireŋeŋne nip ingi gúlob bareŋ. Haani m'anniirone, apiren ajébineeniŋ k'ankeng. Apiren alób ingi bawuco, ki bawuco abénn, baaruŋo anoohun tum. N'agune Úbáku Díino, yikireŋ honj ho Yensa pirendeŋne k'akaan. Agi asíibáásiiber, apiren abuj soldaaraŋo nip ingi gúlob bareŋ k'apahun bigokunom. Kanda Yensa n'apokunne mintoroŋ, dékirireŋ ba bubujhu jamaŋo. Ba bújebunkintor gadékirne! Gúmár akanne abénn soldaaraŋo k'ammalam, k'anyeefilem. Horaŋ akanne? Lentaarenj ho Yensa atéekinne Nikodem fam. Ayéjem,

¹⁴ Féger ban, man ni Musa
ayoofunne busumoolo a gulihano
fam f'agune a kanaanjo kalaalinno,
Údiigeeno M'acaabenaane, úmár
mees man nim jamanjo
anyoofunkunomne. ¹⁵ Hómár
añantay ayik ki ki wúur gafiyumem,
ayikum na kanjébo ka bandór. (San
3:14-15)

Jantenten Gúloku Díino.

²¹ Banjay hadéko anlahun údiigeen
úduk m'afúruntoho a kanaanjo.
Gurethinem Simon mu Siiren. Úmár
bááhu Aleksand ingi Rufus.
Soldaaranjo banfégi Simon anlaham
andoohálinem halihano ha Yensa
añantane adooher k'annohálinay

anɲay hadéko. ²² Andék f'andék
ampút a kantígo k'aretuhne Golgota.
Gureto gúmár agune «ka jahunku
agofono agune.» ²³ Bampút kantígo
andooh kunnoŋo k'angatahinne ingi
sihano s'aretuhne mááro pur
k'annéereem k'aruuh, kanda afoy,
ruuhuroŋ. ²⁴ K'angu andooh halihano
k'andoohom anfaŋánahinem na.
Banfaŋunahinem mees anwóoj
gusuno anwonnun na halihano.
Bankaani nim mees annink
bayakánam b'anwuraŋemne
k'andooh ñolihano k'anɲay tiraaso
m'adokunehne bayakánam, ki
m'afaŋundne harjehinem adooh. ²⁵ Bi
waathu guraaso gudikaamo
ganfaŋánahinemne a halihano.

(Mak 15:21-25)

Angu Yensa, bapúti a kantígo k'ambujohne
jamaño a mánjáku Jerusalem, soldaarango
andék anwaaninem a halihano, k'andooh
preegeno adénno ingi martongo k'anfanun
halakánam ingi hádikinem a halihano.
Banfanunahinem mees, anyoofunom
k'ambénnem na a bísibango k'ayoh dáde.

Jantentenj Gúloku Díino:

. ²⁷ Dam, d'anfanánahinne Yensa,
anfak anfanánahin na ñanrifa inak,
úduko a sigondiño, úduko a siyaaho.

[²⁸] ²⁹ Angu dam ñanwusunango
anlíklikineh agofonkánin
k'ansutunkom, anyéjehem:

- Hey! Eke úyejyej ukoomunkuneh
Jaamehintor Adénno, k'úlod adúk
buruhu ásiban alallan? ³⁰ Inini,
pahun ban bigokon k'ukucor a
halihano!

Nim ganyeefihemne. ³¹ Angu dam
ñanlaameku alimaamaño ingi
ñankeekihu Hañaañeno, immeren
mees anyeefihem k'anyéjayeh:

- Ingah! Úmár ii ahathat gupahunku
jamaño kanda határan bupahunku
bigokunom! ³² Inini m'ayéjuhne
Umaasaño Mu Díino Acaabenne,
umaasahu Israyel, inini akuc ban a
halihano ki nim impirenon indomon
h'alóbohne!

Nim jamaño ganlóbohne dam.

Ñanrifano inako m'anfanáhaninne
na antéejay ingi Yensa, immeren
mees ansutunkom. (Mak 15:27-32)

Angu, Yensa n'afanunaane a halihano,
jamaño ansutunemsutun dáde. Haani
ñandúgo m'anjane biniironjo a habídhu
Yensa, immeren mees ansutunom.

Ñanlaameku alimaamaño ankontankontan
dáde ni Yensa anjane biniironjo
k'anyeefikem anyéjayeh, «Ingah! Úmár ii
ahathat gupahunku jamaño kanda határan
bupahunku bigokunom! Inini m'ayéjuhne
Umaasaño Mu Díino Acaabenne, umaasahu
Israyel, inini akuc ban a halihano ki nim
impirenonj índomonj h'alóbohne!» Nim
ganyeefikemne. Agida, immeren pájiirenen
mara Yensa apirenpiren akucor a halihano

aji nim gasíibane. Yensa n'agune Úbáku
Díino, apiren akaan hoŋon hoŋon
h'asíibane. Apirenpiren akucor, apirenpiren
apahun bigokunom agi nim gasíibane.
Kanda Yensa síibaaraŋ k'akucor a halihano,
síibaaraŋ k'apahun bigokunom mara
mintoroŋ gasíibane bupahuno.

Lentaarenŋ ho Yensa atéekinne Nikodem
fam. ayéjem....

¹⁴ Féger baŋ, maŋ ni Musa
ayoofunne busumoolo a gulihano
fam f'agune a kanaŋaŋo kalaalinno,
Údiigeeno M'acaabenaane, úmár
mees maŋ nim jamaŋo
anyoofunkunomne. ¹⁵ Hómár
añantay ayik ki ki wúur gafiyumem,

ayikum na kanjébo ka bandór. (San
3:14-15)